

Message Four

**Mami kah Muithlaben Caakoei, Mami kah Muithlaben Lungtou oen
Bawipa Cabawi kah Aka Thuum Thaihuthli**

Teeham Caciim; 1Kor,10:3-4, 16-17, 21; 11:23-26

I. Exodus 16 kah aka huep awltak tah Pathen lawng mami kah caaknooek caakoei la Pathen kah atuek thlaangthli he Khrih rangoen hing sak ham Pa Pathen lawng tuih la aka awm aka soeng Manna muk, mami kah muithlaben caakoei la Khrih te caaknaben la thawleng pe angaih -1Kor,10:3; Jhn,6:31-35, 48-51, 57-58.

- A. He vaankhawhii ah Pathen kah awmna huen awm sak ham mami kah tuhtawm koepna cooengna oen mami kah bawmcem nala Khrih te mami lawng n'caak veng rooek ah dungzan poekkuuep nala awm ai – Exo,16:16, 32.
- B. Sui uum khui kah Manna muk tah Pathen awmna huen kah alungkir la awm angla mami rangoen caak la aka awm Manna muk la Khrih tah tihin Pathen sakna kah alungkir la awm – Heb,9:3-4; Efe,4:16; Kol,2:19.
- C. Mami kah vitamin, tharaana oen ngaikhuekna hamla n'caak arawl aka awm nawh takaawi tah Khrih la a awm ham ni, Te coengah awlkhueh thai kah rawl aka awm nawh bibina pakhat tah Khrih te Pathen thlaangthli hamla rawl aka awm nawh caakkoei la ming sak la awm – Num,11:5-6; cf,Cel,1:17, 25; 2Kor,4:1; 1Tim,1:12; 2Kor,3:6.
- D. Mami kah rawl aka awm nawh caakoei, mami kah hinrooek Manna muk la aka awm Khrih kah noeknathli lawng Bawipa te boetouh la awmngaihna angla mami kah acuek poulipna kalawng patoeng Bawipa kah boukauna hamla mami kah noekna muisamthli la awm – Jhn,6:57; Fil,1:20-21; cf, Gal,6:17.
 - 1. Manna muk tah awlhuep nala awm – Exo,16:15; Kol,2:2; Isa,9:6; Efe,3:4; Jhn,3:8.
 - 2. Manna muk tah atue akasan thlang la kawpoekrai la awm – Exo,16:4; cf, Matt,6:34.
 - 3. Manna muk tah vaan kalawng law la awm – Exo,16:4; Jhn,6:41.
 - 4. Manna muk tah daamtui oen haih law la awm – Exo,16:13-14; Num,11:9; Saam,133:3; Lungnat, 3:22-23; Heb,4:16; Saam,110:3.
 - 5. Manna muk tah mincangben ah law la awm – Exo,16:21; cf, Laa,1:6b; 7:12; Jhn,5:39-40; Rom,6:4; 7:6.
 - 6. Manna muk tah aka ziiuca la awm Exo,16:14; Luk,2:12; Jhn,6:35; cf, Awlcek, 9:9, 11, 13; Matt,13:31-32.
 - 7. Mannamuk tah ciimcaih la awm – Exo,16:14; Jhn,6:12;
 - 8. Manna muk tah buengkur la awm – Exo,16:14; Jhn,8:58.
 - 9. Manna muk tah abaawk la awm – Exo, 16:31; Saam,12:6; 119-140; 2Kor, 11:3b.
 - 10. Manna muk tah rawsawng angla awm – Exo,16:14; Tah,17:27.
 - 11. Manna muk tah sawngsing angla awm – Exo,16:31; Num,11:7; Luk,8:11.
 - 12. Manna muk tah thingpi angla khal – Num,11:8; 2Kor,1:4; Efe,6:18.
 - 13. Manna muk tah sawngsing oen lou u – Num,11:7; Awl,4:6, 8; Ezk,1:18.
 - 14. Manna muk kah atuina tah situi reu veng kah angla tui – Num,11:8; Saam,92:10.
 - 15. Manna kaha tui natah khawitui oen a sai takaawi angla didip – Exo,16:31; Saam,119-103.
 - 16. Manna muk tah takaawi sai hamla theen – Num,11:8; 1Tim,4:6.

II. Khrih tah a hubangthli hamla muithlaben lungnu la awm ham duek la awm. He hubang lungnu tah hing pekung Muithla la aka awm aka thoukoep Khrih la awm tih, Bawipa kah oengcathli te hingna tui oen bawmcem hamla thlangboel oen awm haih poiepa – 1Kor,10:4; Exo,17:6; Num,20:8; Jhn,19:34.

- A. Pathen kah thlaangthli tiimah araina tah hingna kah Muithla te huhsak la aka awm tui avoet thawng dawngah ni. Pathen kah thlaangthli hingna kah Muithla angoe veng rooek ah araina te awm ai. Pathen thlaangthli lawng Muithla abetooet vengah, tethli tiim oen Pathen tiim kah tethli kah a rai natah hoeitlang la awm poen – Num,20:2-13; Jhn,7:37-39; Rom,8:2.
- B. Khrih tah thinglamtah ah duek tih, Muithla te peek la a awm poen dawngah, Khrih lawng a duek koep ham ngoe tlaih nawh. Thuingaihna tah hingna tui alaawngna hamla lungnu te bawhkoop hamla ngoe tlaih nawh. Pathen kamthlahna dawngah Khrih he vai at cabueng a duek ham ni Heb,7:27; 9:26-28a.
- C. Thinglam dawng aka duek Khrih teng kalawng hingna tui te dang hamla mami lawng “Cawngghawl te lou lang tah” “Lungnu teng awlthui” ham ni angoe – Num,20:8.
 1. Cawngghawl te lawhna tah duekna dawng aka awm Khrih oen vanrep la awm tih, Khrih kah aduekna te amami oen amami kah paihuen ah atak la khuen nala aw.
 2. Lungnu te awlthui natah reksak la aka awm Khrih teng phek awlthuina, Muithla te peek la aka awm cadoelh sawah pai tih hingna kah Muithla te mami nala peek ham Bawipa teng bihna la awm – cf, Jhn,4:10; Luk,11:13.
 3. Mami lawng Khrih kah duekna te amami dawngah atak la khuen tih, mami nala Muithla te peek ham oengna rangoen Khrih te n’bih kawi nih, hingna kah betooet bawmcemna la aka awm aka hing Muithla te n’dang u ham ni.
- D. Lungnu te awlthui mueh la Mousi lawng thlaangthli te houlawh tih tethli nala pungnawi kungthli la thawlh apeel tih lungnu te a canghawl oen havoï abawh – Num,20:9-11.
 1. Mousi lawng thlaangthli te pungnawi kungthli la thawlh apeel, tede Mousi amah he Pathen kah awl aka eekkung la awm – athaan,24, 27:14.
 2. Mousi lawng Israelcathli hai ah Bawipa te ciimcaih sak ham Jehova ah tangna awm nawh – Num,20:12.
 - a. Pathen te ciimcaih sakna tah Bawipa te ciimcaih sakna nawhatah arawl pathenthli teng kalawng hooepna la awm. Pathen te ciimcaih sak ham sungna tah Bawipa te amailai la awm sak nala awm.
 - b. Pathen houlawh nawh tih, thlaangthli hou ahuhna tah Mousi lawng Bawipa kah aka ciim cooengna dawngah Pathen te asoeng la zuengna nawh tih, lungnu te havoï abawhna dawngah ahih tah Pathen kah kamthlahna dawng kah Bawipa awl te khoemoden na awm nawh. Te dawngah Mousi lawng Pathen kah akaciim cooengna oen Bawipa kah Pathenben kamthlahna pahih bawk la asai thawlh la awm.
 - c. He kawng dawngah ahih tah Pathen oen aka beroep thlaang, Pathen kah paza lakoei lakhaw (Exo,33:11) Mousi tah laitheen ram khuiah kuun ham atue theen te sung la awm.
 3. Pathen kah thlaangthli oen tuhkai la n’thui u sarui oen n’bisai boeih dawngah mami kah lungbui poekna tah Pathen kah akaciim cooengna angla a awm ham tih, n’bisaina he Bawipa kah Pathenben kamthlahna angla awm ham ni. He tah Bawipa te ciimcaih sakna la awm. Te nawh kawi nih mami kah awlthuina oen bisainathli dawngah Bawipa te pungnawi nala awm tih, Bawipa te n’thawlhpalh nala awm ai.

III. Bawipa cabawi kah aka thuum thaihu la Khrih he Pathen awlkhueh thai kamthlahna kah asoengna la awm – 1Kor,10:16-17, 21; 11:23-26.

- A. Bawipa cabawi kah awlpui la khuehna tah Bawipa athi oen Bawipa pum te pawlnengna, Bawipa dawngah thuum haihna, pawlnengna dawngah khawseh, benbang paina dawngah khawseh Bawipa te awmngaihna la awm – 10:16-17; 21.
 1. Bawipa amah te mami teng peek la awm poen, tedeng ni Bawipa te mami kah khawniing la n’khuen thai tih, Bawipa caakna, aawkna rangoen Bawipa te n’awmngaih thai la awm. Mami kah khawniing, laitheen thaawna kah asoengna ham atah Khrih lawng lawngzaw tea pong ham ni – cf, Deut,8:7-10.

- a. Khrih he thlaanghing coengna awm nawh mai kawih nih, Bawipa tah athi oen apum awm thai manawh. Thlaanghing coengna rangoen Khrih lawng thingan oen haih thlaanghing pum te athoekcau – Heb,2:14.
 - b. Khrih he thinglam ah duek nawh mai kawih nih Bawipa kah thi tah Bawipa kah pum kalawng hooep thai la awm manawh. Thinglam ah duekna rangoen Bawipa kah thisen tah Bawipa kah pum kalawng hooep la awm – Jhn,6:53-55.
 - c. Khrih he thawhkoepna awm nawh mai kawih nih Bawipa tah mami kah caakoei la cabawi sawah awm thai manawh. Thawhkoepna dawngah mami kah vitamin oen ah mami kah awmngaihna hamla khawniing la Bawipa te cabawi sawah cawmcah la awm – 1Kor, 15:45b; 2Kor,3:17.
2. Bawipa Jesu lawng “Muk te alawh tih zothéen apeek coengah muk te a eh tih, hubangthli tengah apeek, he muk tah ka pum ni. loulang ca u tila athui” – Matt,26:26.
 - a. Muk he hingna, Pathen kah hingna, dungzan hingna te thuingaih la awm. Muk he Bawipa kah dauben pum te huhsak tih, tetah mami khuiah hingna sangthil hamla thinglam ah nawn la awm – Jhn,6:35, 57, 63; Luk,22:19.
 - b. Muk he Bawipa kah aka huep pum tekaw huhsak la awm tih, Khri tah Pathenben boelraina te soepbir sak hamla Bawipa kah vaanben bibina te khuen ham alawngim la awm – Efe,1:22-23; 4:16; Awl,5:6.
 - c. Bawipa kah Pathenben hingna dawngah thuumna, hingna muk la Bawipa te caak awmngaihna rangoen mami lawng Bawipa kah aka huep pum, Bawipa kah aboukauna la awm – 1Kor,10:17; 12:27.
 3. Bawipa Jesu lawng bonglong te alawh tih awmngaihceil athui coengah tethli tengah apeek “Aw boeih u lah. Hetah paipii aawkna ka thi thlaang zahawh thawlh khawdawp ngaina hamla ka hawkh ni” – Matt,26:27-28.
 - a. Bonglong tah zothéen nate thuingaih tih, mami kah tahaam la aka awm Pathen amah la awm – Saam,16:5.
 - b. Bawipa kah thlawh natah mami kah tahaam, bonglong becoeih la aka laawng thlawhna bonglong la awm tih, tekah akathuum thailu tah soeprep akathuum zouthéen nala aka awm Pathen la awm – 116:13; 23:5.
 - c. Paipii thai kah thi la aka awm Khrih kah thit ah mami teng paipii thai khuila n’ceh pui tih, te ah Pathen lawng mami teng thinkaw thai, muithla thai, Bawipa kah Muithla, hingna kah khuiben phung oen Pathen ta ming hamla Pathen te dang hamla, Pathen rangoen khuehtoen sakham saithaina tea peek tih, kawdawp ngaina oen mami kah sai thawhlnathli boeih te aka hilh sak zouthéenna te n’dang sak la awm – Ezk,36:26-27; Luk,22:20; Heb,8:10-12; Saam,103:1-3, 12.
 - d. Paipii thai kah thit ah mami teng Bawipa kah atheenna te mami lawng n’huhna huen, huenciimkoek ah Pathen mikhuu khuiah khawseh, Pathen kah rekraa sangthilna oen khawseh, Pathen te dungzan awmngaihna khuiah kahwseh n’ceh pui la awm. He lawngim ah Pathen te awmngaihna tah Pathen kah thlaang te athoeng sak la awm – 27:4; Exo,24:8; cf, Lev,16:11-16.
 - e. Aboetkoek la paipii kah athi, dungzan paipii tah Pathen kah thlaangthli te tahe oen dungzan tue toe hingna thing oen hingna tui la aka awm Pathen te betoet la awmngaihna khuiah maawt la awm – Heb,13:20; Awl,7:14, 17; 22:1-2, 14, 17.
 - B. “Metitiah hekah takaawi na caak u tih bonglong na aawkh u rooek ah, a law koep thlan toe Bawipa duekna ten a phawng la awm” – 1Kor,11:26; cf, Rom,5:10.
 1. Bawipa kah a duekna te pangpuina tah Bawipa kah a duekna te hooena oen teungsakna la awm. Bawipa kah hingna aka loeih sak duekna te pangpuina tah thlangboel te athoeng ham Bawipa kah awlcekben tlangna hamla Bawipa kah lahma alawna te pangpuina la awm – Jhn,12:24; 19:34.

2. *Hil toe* ti hetah Bawipa kah akahing thlawna lawngzaw ah Khrih te caakna oen aawka rangoen Bawipa kah lahma alawna oen apabe alawna laklaw kah ahooepna te thlangboel lawng thlaai dawhna la thuingaih la awm.
3. Bawipa alaw natah Matthai 26:29 ah “Ka vanthui u, te hin vengah a Pa ram ah athai la nangmi oen n’aawk thlanhil tah hekah misurtui he tahe kalawng ka aw tlaih manawh” tila Bawipa lawng athui angla diklai saw Pathen ram te paii sak ham Bawipa kah apabe law koep nala awm.
4. Te dawngah Bawipa alawna hiltie Bawipa kah aduekna te pangpuina tah ram te khuen hamla thlangboel kah apaina te pangpui la awm. Bawipa kah thlembuh caakpoei te n’caakna u tah Bawipa lawkoepna pahih baw la poekkhuepna te athoeng sakna la awm.